

et fil auoit tefmoigné quelque bon fentiment pour la priere quelques gueriers malades qui estoient couchez proche de luy respondirent quon Lauoit veu prier. La deffus ie le baptifay fous Condition, et fis comprendre a tous nos fauuages mes fentimens fur ce baptefme, ayant fy peu de difpofition dans ce Capitaine, on fit de longues prieres pour Demender a Dieu quil accordaft a ce moribund vne sincere douleur de fes pechez. Cette mort a dvn costé Confterne tous nos fauuages mais dvn autre les a extremement affectionnés a la priere tous les malades qui ne font pas baptifez me demendent Inceffamment que ie les Inftruifent, et font dans de g^{ds}. fentimens pour La priere, ils font presque tous Inftruits, et prennent La maladie dyne maniere la plus chrestienne du monde cōme ils ont le Cœur fort Infecté dvn certain venin, on croit de temps en temps quil va^{nt} mourir. on nous enuoye querir de tous costez, et il faut estre tout le Iour Continuellem^t. fur pied, et tres [souuent] vne partie de La nuit, ils font tous assez eloignez les vns les autres, car ils font pour la plus part dans les Cabanes de La Campagne les vns estoient a La Coste de S^t. Ignace, les autres a S^t. Michel, les autres au fort tres proche de moy, il ma fallu Continuellement depuis vn mois faire ces excursions de demy Lieue a demy Lieüe, il á este Impossible de les raffambler icy pour plusieurs raisons que vous voyez assez, ce nas pas esté La, ma plus g^{de}. peine; mais celle de les voir dans cet estat de dégouft de tout fans pouuoir manger de ce qui fait icy leur Nourriture ordinaire, et nayant rien dequoy leur dōner Cela mestoit plus sensible que Le reste. on ma permis dans ce befoin ou on ma veu de mendepter